

Kasamariya Wamuwahi

Nsangu yaka Samariya mu Bible yasweja kuya mpuhu mu nsangu ja hashinkulu. Wunatweshi kutanga mudi Luka 10:25-37. Iyala wumu wayilenga mujila yindi ku Jericho dichi amulukukili kudi amakombi dichi amushili hakafwilu. Hanyima yaji ola jantesha amayala asatu a mupandakeni ilanga wumu hohu diyi wamukwashili. Wakusambila hi, ka priest, watela kwiluka kukenga kwa Nzambi, wadihitilili kwindi. Wamuchiyedi wadingi, ka Levy, ona welukili nishimbi ja Nzambi, wadihitili kwindi nikumudiwula kwindi. Wakukumishaku, ka Samariya, wadi wakunji, wahitili kwakwihi hakumukwasha ona iyala iyashiliwu hakafwilu.

Yesu wahosheli iyi nsangu hanyima ya ngimeni wumu hamwihwiliyi nindi nikwila ngahi kulonda nikali nawumi wahaya nyaka, mu mazu amkwawu kulonda nimutiyishi Nzambi kuwaha. Yesu wamwihwili ona ngimeni yitongojoka yindi dichi wakwili nindi, "Kengaku Nzambi yeyi nawumi weyi wejima na ngovo jeyi jejima ni na mana eyi ejima" chengi "Kengaku mukwenu neyi chiwadikenga eyi aweni." Yesu wahosheli nindi dimu ilanga watwalekeluhu nakumwihujola chengi nindi. Yesu hakumuleja nsangu ya ka Samariya Wamuwahi dichiwi hakuhula, "Indi hadi awatu asatu hinyi iwunatongojoki neyi wadingi wadikuma kudi ona iyala waholokeleli mumakasa awamakombi?" Ngimeni wakwili nindi, "Ona watiyili luwi hadi yena." Dichi Yesu hakumuleja nindi ayi akeli momumu niyena.

Ichi chaswayi kutiya tahindi? Ilanga kwiji! Ngimeni wadi kunwena ka Priestu ni ka Levi hansangu yakulema. Wadi kutongojola nindii ona kaSamariya wadi wakehelamu diyi wateleleli wukwashi. A Samariya ayimwenenga neyi hiyantu akehelamu akuminamu abulili kulondela nshimbi ja Nzabi nakushikahu. Yesu nakubalumuna kufukula kwanona Ngimeni makuhosha nindi yilwilo yamoma wakehelamu diyi yamutiyishili Nzambi kuwaha.

Mumalunga mutwashakamanga tunatweshi kusekesha nikudiwula ana antu itwabula kukenga hela itwaditadikanga nawu, ana azeya, akata hela akehelamu. Iyi hidiyu ijila ya Nzambi ku. Yena nakengi etu tudikengi chengi nawa tumoni antu ejima netu esakana hamu. Nzambi nachisaka chinakukengeka ana amwiluka Yesu hamu nana ana kufwila kumwiluka, kushilahu ninana ashidi kanda amwiluki. Antu 'akuji' niwena tuyitambwili. Chuma tunafwili yowu kumutiyisha Nzambi kuwaha chengi nawa tunakufwila a 'Samariya' avuli mukachi ket tukala keli hamu.

Ikalenu asubuka nаноchu Nzambi chikuyiletayi enu hamu nawantu muwumi wenu. Kalakeshenu kusubuka kwenu kulonda kutangisha nachu hadi Yesu nikuzatila hamu nanowu Nzambi ahushayi hambidi yetu.

Yishenu mukudiza nakuyizatisha!

Amuna Yesu mwalejeliyi oma ngimeni nidi ayi akeli momumu walumbulwili chikupu. Hinyi hakachiketu etwatela kumwekshela kukenga nikukwasha hamu?

Chamuchiyedi, hinyi itunamoni wadifwana neyi iwu kaSamariya? Hiyanyi itwadikutena netu akunji, ana itunamoni netu hiyatela nikuyichindila ha muza wa Nzambi? Ikalenu nampinji nawu, dinjililenu nawu muyiluki indikwiji ilenunga yuma yikwawu nawu hamu? Ikalenu a 'Samariya' amawahi hamu nawena.

Lombenu nenu:

- 1) Nzambi wukuyizesha nawu shona.
- 2) Nzambi natweshi kuzatisha ninana antu akehelamu kulonda kuleta kutona mumukala wenu.



China chahosheliyi Brenda nindi, "Neluki nami nendanga wafwa dehi" watalishilenga nаноchu chadingiyi na kabubu ka HIV. Chelili nenzi dehi nakumwiluka Yesu kuhitila mu Izavu Yawumi chihandilu hakuwana nimuzangalu wawiha. Niyena nawa watachikili kadizavu ka kulonda akwashengaku anaakwawu niwena nawa akatanga HIV Aids. Nakuyikwasha niwena kulonda amwiluki Yesu niwena atweshi kuwana muzangalu!

- Brenda, Katima Mulilo, Namibia



Ikudiza kwadingi akonene mudi "Ejima akweti ilunga" kudiza muku Tumba, iwu mukanda wa kwashanga antu kutumba nikulombola Mazavu a Yawumi munyikala yawu. Wuna tweshi kudizilaku yuma yikwawu:

dignityonline.org.uk/publications